

RICORDI DE NONO

Mio nono che xe rovignese me conta:

“Iera dopo el 1955, podevo gaver 15 ani, e son diventà come tuti “omladinac” (la gioventù de Tito).

In magio, ogni ano se doveva portar la stafeta “per el compleano del presidente”. A Rovigno iera poche coriere e anche quele vecie. Noi ne tocava portar la stafeta el toco de strada dal bivio del Cristo fino a Vale, dopo se rangiava quei de Pola. De mattina bonora i ne ingrumava coi camion e i ne seminava per strada, ogni 300-400 metri circa, cusì che ogni dun doveva far el suo toco corendo.

No go mai capì de dove che la pasava perché la doveva tocar tuti i paesi della Jugoslavia e rivar a Belgrado giusto per el 25 de magio.

In piè come pai, spetavamo che la rivi. De solito pasava cusì tuta la mattina. Fra stanchesa, fame, sede no mancava proprio niente. A Rovigno i faseva “la parlata” che doveva scoltar tuti, anche i operai moladi dal lavor. I più furbi scampava a casa, ma guai se se acorseva el capo. E finalmente la stafeta la rivava, fasevimo svelti el nostro dover e chi se ga visto se ga visto. I camion de sicuro no i ne portava a casa e strachi morti se rivava, a pie, de sera. Poveri quei che iera stadi sbarcadi a Vale. Per noi doveva eser un onor, ma iera più un suplisio. Tito sarà stà anche contento ma per noi iera meio zogar con la bala anche se la iera fata de strase e calse vecie.

Ogni tempo ga le sue storie ma no xe niente meio che eser giovani.